

jubar emicuisse, quam solis? Ergo et mundi sicut omnium rerum primaeva nutarunt, ut venerabilis canae fidei se-queretur senectus. Quos hoc movet, reprehendant messem, quia sera foecunditas est: reprehendant vindemiam, quia in occasu anni est: reprehendant olivam, quia postremus est fructus. Ergo et messis nostra fides animorum est; ecclesiae gratia meritorum vindemia est, quæ ab ortu mundi virebat in sanctis, sed postrema aetate se diffudit in populos, ut adverterent omnes non rudibus animis irrepsisse fidem Christi, (nulla enim sine adversario corona victoriae) sed explosa opinione, quæ ante convaluit, quod erat verum, jure fit praelatum. Si ritus veteres delectabant, cur in alienos ritus eadem Roma successit? Omitto absconditam pretio humum, et pastorales casas auro degeneri renitentes. Quid (ut de ipso responderam, quod queruntur) captarum simulacra urbiuum, victosque deos, et peregrinos ritus sacrorum, alienæ superstitionis aemuli receperunt? Unde igitur exemplum, quod currus suos simulato Almonis in flumine lavat Cybele? Unde Phrygii vates, et semper invisa Romanis non aequae Carthaginis numina? Quam Coelestem Afri, Mithram Persae, plerique Venerem colunt, pro diversitate nominis, non pro numinis varietate. Sic deam esse et Victoriam crediderunt, quae utique munus est, non potestas: donatur, non dominatur, legionum gratia, non religionum potentia. Magna igitur dea, quam militum multitudo sibi vindicat, vel praeliorum donat eventus? Iujus aram strui in urbis Romae curia pe-tunt, hoc est, quo plures convenient christiani. Omnibus in templis aerae, ara etiam in templo victoriarum; quoniam numero delectantur, sacrificia sua ubique concelebrant. Quid est nisi insultare fidei, unius aerae sacrificium vindicare? Ferendumne istud, ut gentilis sacrificet, christianus intersit? Hauriant omnes, inquit, hauriant vel inviti sumum oculis, symphoniam auribus, cinerem faucibus, thus naribus, et adversantium licet ora excitatata focis nostris favilla respergat.